

Umusebo kuntanshi

**Ifikomo ikumi ifyo abena Kristu bapya
bengasambilila ukufuma mu Cipingo**

Ukusambilisha kwaba

Ken Legg

Umusebo kuntanshi

Ifilimo

Isambililo lya ntanshi - Ukuba Uwashininkisha Ukuti Walipusuka

Isambililo lyalenga bubili - Bushe Nine Ani?

Isambililo lyalenga butatu - Ukulengwa Cipyaaacipyaa Mu Muntu Wa Mukati

Isambililo lyalenga bune - Icipingo

Isambililo lyalenga busano - Ipepo

Isambililo lyalenga mutanda - Isenge

Isambililo lyalenga cine lubali - Ukusabankanya Icitetekelo Ceenu

Isambililo lyalenga cine konsekonse - Ukubatishiwa Kwa Mumenshi

Isambililo lyalenga paabula - Mupashi Wa Mushilo

Isambililo lyalenga ikumi - Umulaalilo


Isambililo lya ntansi – Ukuba Uwashininkisha Ukuti Walipusuka

Ilyo ba Muhammad Ali tabalati balwe naba Joe Frazier mukulwila icikombe ce sonde lyonse muli bakalapashi ba nkonya mumwaka wa 1971, baatile, “Kuliko icimfulunganya. Tukapwisha ici icimfulunganya pa bushiku bwalenga cine konsekonse mumwenshi wa Kutumpu (March). Tukalekanya umupwilapo no kwishiba Imfumu! Takuli kalapashi nangu umo uuli no mweo ubwaleelo uwingancimfya. Nalicenjelesha pali bonse. Naliba uwabelawila. Nine kalapashi pali bonse! Imfumu nineebo!” imfwile naaba nga shitampa pa nkalata, enshilafye imo iyo ningabelamo pwampwa!” nangula ba Ali basosele ifi fyebo ifyakuipampansa, baalilushile ulu lubuli kuli ba Frazier.

Ba Ali baali abashininkisha mu mutima wabo ukuti bakawina – lelo baali mubwapwa. Kwalibako ifintu fimo mu myeo yesu ifyakuti tasisakamika nganshi nangula taushininkishe. Muncende shimo sheena, tufwilefye ukushininkisha. Ilipusho ilikankaala nganshi ilyo ufwile ukuipusha wemwine lyakutiila, “Bushe nalinshininkisha ukuti ndimwina Kristu mwa? Bushe ndi uwashininwa ukuti nalikwata umweo wa muyayaya? Ngacakuti nalifwile ilelo, bushe ninjishiba ukwabula ukutwishika ukuti kuti naya ku muulu?” ili sambililo lyalalolesha pali uyu mulandu uwakakaata nganshi.

Ishiwi lya *mbilansuma* lipilibula “ilyashi ilisuma”. Ilyashi lisuma ilyaba mu mbilansuma lyakutiila Lesa tafwayafye ukutupususha kweka, lelo afwaya nokutiila **twashiba** ukuti twalipusuka. Ici eco twiita ukuti ukushininkisha.

Bushe ukushininkisha twakwata ukwepusukilo kufuma kwisa? Abantu balikwata amatontonkanyo no kwelenganya kwabo pali uyu mulandu, lelo ayo matontonkanyo yaba ayapusanapusana ukufuma ku umuntu no muntu. Nakuba, kwaba imintapendwa ne mintapendwa ya mitontonkanishe iyapusana nganshi. Lelo tuletotela Lesa uushatushafye ukuti tuiywaile inshila iyakuya ku mweo wa muyayaya palwesu fwebene. Aalitupela icebo Cakwe, Icipingo, pakutiila tube abashininkisha palwe pusukilo lyesu.



Muli uku kusambilila twalalinganya amatontonkanyo ayafula nokulubaana konse ne cebo ca kwa Lesa.

Lolesheni aya malembo mu Cipingo nokuyalemba mu mashiwi yenu mwebene:

Amatontonkanyo ya muntu

“nshili muntu uwabipa. Nshicita fyaabipa, nshicita lubuli” 17:9

Abena Roma 3:10 _____

Amatontonkanyo ya muntu

“Lesa ni Lesa wa kutemwa. Tatwala muntu nangu umo ku mbo”

Icebo ca kwa Lesa

Abena Roma 6:23a _____

Abahebere 9:27 _____

Amatontonkanyo ya muntu

“Icikulufye tulecite fisuma ku bantu banensu tukaya ku muulu”

Icebo ca kwa Lesa

Esaya 64:6 _____

Abena Efese 2:8na9 _____

Amatontonkanyo ya muntu

“tapali umuntu nangu umo uwingeshiba no kushininkisha ngalikhwata umweo wa muyayaya”

Icebo ca kwa Lesa

Yohane 3:16 _____

Abena Roma 10:13 _____

Ukusupawila:

- ✓ Umuntu onse, ukwabula nowakushako aalibembuka.
- ✓ Amalipilo yalubembu lwesu nimfwa ya ku mupashi – ico cilepilibula ukulekana na Lesa inonshita, elyo nokulekana Nankwe umuyayaya mu mwe uuleisa panuma ya uno tulimo.
- ✓ Teti tupusukile ku milimo iisuma iyo tubomba.
- ✓ Lesa atumine Umwana Wakwe, Yesu Kristu, kukufwa pamulandu wa membu shesu pakuti tubelelwe uluse no kupokelela umweo wa muyayaya.
- ✓ Inshila ya kupokelelamo umweo wa muyayaya kusosa no tunwa twesu mukutumbula ulubembu ukuti twalibembuka, ukutetekela ukutila Yesu afwilile muncende yesu no kwita peshina lyakwe ukuti atupusushe.
- ✓ Ilyo twalomba Yesu ukutupususha tulapokelela ukwelela kwa membu no mweo wa muyayaya.
- ✓ Lesa aalisokolola inshila ye pusukilo lyesu busakabusaka mu cebo Cakwe pakutila *twingeshiba* ukutila twalipusuka.

Bushe walipokelela Shikulu Yesu Kristu ngo Mupusushi obe? Tulondolweleko caali shani?



Ubunte bwenu

Ilyo lyonse umwina Kristu alondolola ilyashi lyafyo apuswike, twite ci “ubunte”.

Kwaba ifiputulwa fitatu kubunte bonse:

- Umweo wandi ilyo naali nshilapusuka
- Ifyo napuswike
- Umweo wandi ukutendekela apo naapusukila

Mu Milimo ya Batumwa 26:4-23 tulesangamo ilyashi lya bunte bwakwa Paulo. Ubunte bwakwa Paulo nabobwine buli mu fiputulwa fitatu:

- Umweo wakwa Paulo ilyo talati apusuke - Imilimo ya Batumwa 26:4-11
- Ifyo Paulo aapuswike - Imilimo ya Batumwa 26:12-18
- Umweo wa kwa Paulo panuma yepusukilo lyakwe - Imilimo ya Batumwa 26:19-23

Ilyo tulesondwelela ili sambililo, twamilomba ukuti mutupeleko ubunte bweenu mukusupawila mu ncende iipeelwe pesamba

Umweo wandi lilya naali nshilapusuka _____

Ifyo napuswike _____

Umweo wandi panuma ye pusukilo lyandi _____

Isambililo lyalenga bubili Bushe Nine Ani?

Umuntu umukote incushi kapeleko aalekonkoteka mumbali ya musebo ubushiku bushilile kantu. Aaliuwatitikishiwa mu mutima nesubilo taakweete nakalya. Taakweete neco engekalila pa chalo, elyo necinso cakwe calelangafye ifyofine.

Aisaikala ngefyo mumbali ya musebo, kuntanshi yakwe kwaali ing'anda yakwa kelenganya, elyo noyu kelenganya amumona. Uyu kelenganya atendeke ukulenga icikope cauyu muntu, lelo munshita yakulenga icinso cauyu muntu icabulamo isubilo no buyo, amulengele uwansansa kabili uwacangamuka. Mucikope aamoneke ngo muntu uuli no buyo nempela iisuma mu mweo wakwe.

Aaitile uyu muntu uko aali nokumulanga icikope nokutila, "Ici cikope ca cinso coobe!" nao atile. "Ine? Uyu mu cikope ninebo? Kalombalomba aipusha. "Ici cikope cisuma nganshi! Ici nga ecikope candi", alapa umulapo, "Ninshi nalafuma pano no kuyasanguka uyu muntu uuli mu cikope!"

Ilipusho ilikankaala ilyo umwina Kristu engepusha lyakuti, "Bushe nine Ani?" Nomba apo muli bena Kristu tamuli ulya muntu wakale nakalya. Ukupilibuka ukukalamba nakucitika mu mweo wenu. Nomba muli cilengo cipya.

Ukwiluka no kwishiba buimwe ubupya emfungulo iikalamba nganshi pakuti mwingekala ubwikashi ubwa bukacimfya kabili ubwakushuka mu bwina Kristu bwenu. Bongobongo wenu akapinwina umweo wenu muntunga yafyo mwatetekela pa mweo wenu. Napamulandu wa ici cikankaala ukutila mwakwata icikope icalungama pa mweo wenu.

Umutumwa Paulo aalishibe palwaici. Ecalengele ukuti, mu nkalata ishikalamba isho aalembele ku Filonganino fya mu Cipangano Cipy, aabulile ifipandwa fyantanshi no kufipelesha ku kulenga ici cishinka ica cilengo cipy cishibikwe ku bena Kristu bonse. Napanuma elyo abakoselesha ukutila balenge imyeo yabo ikatane ne cikope ca cilengo cipy.

Icintu cimo icikankaala icileta insansa ico abena Kristu bafwile ukucita kwishiba ukutila nomba beena filengo fipy.

Ifi efyo twalacita mwi sambililo ili. Icantanshi twalalolesha pafyo twaali mu muntu wakale, napafintu fimofimo ifyo bu muntu bwakale bwashintililepo. Elyo twise tufilinganye ne cilengo cipy ico tulimo nomba nga bana bakwa Lesa.

Bu muntu bwesu ubwakale

Ilyo tatulati tupusuke twaishibikilwe kufintu ifyaba ngefi:

- Ifyo twakwata – imilimo yesu yaali e shintililo lya cilumba no kwishibikwa kwesu. Ngatwacita bwino twaleumfwa bwino no kuikunkunsha mu fifuba twatinokuti nifwe tuliko. Necatumbwikemo, twaletungululwa no kukabila kwa kulunduluka no kufikapo.
- Ukutashiwa – buifwe bwaleshintilila pafyo abantu twacindika mu mweo yesu balasosa pa mweo yesu. Ngatwatashiwa ku bantu twacindika ninshi twaumfwa bwino no kwenda ne cilumba, lelo ngabatila tafiweme ninshi twaponya ne finso.
- Imimonekele – pamulandu wakutila icantanshi ico twishibikilwako mimonekele yesu, twamwene kwati nalimo ukumoneka kwesu e buifwe bwinebwine. Ngatwamoneka bwino kunse ya mubili ninshi twaumfwa bwino ni sotambe. Ecalengele twaposele amaano kukutila tumoneke bwino.

Twebene: *Amashiwi yakumilondolola yaalefuma kwisa ilyo tamulaba abena Kristu?*



Icilengo cipy ico tuli naco nomba

Icipingo citufunda ukuti, ilyo twasanguka abena Kristu, buifwe nomba tabushintilila pafyo twakwata, pamimonekele yesu nangula ku kutashiwa nangula ukusushiwa na bantu bambi iyo. Nomba tatufwile ukulalolesha pali ifi fintu pakuti tusale ukumfwa bwino nangula ukuti tuponye ifinso fyesu. Nakuba, icilengo cipy twabamo nomba tacishintilila pa milimo yesu.

Bucilengo cipy bwa mwina Kristu onse lisambililo limo ililesangwa pa masambililo iyakankaala mu Cipingo Cipy. Ala kuti calondololwafye mu mashiwi yabili – **Muli Kristu**. Umwina Kristu muntu onse uuli muli Kristu. Ilyo twapokelele Yesu Kristu ngo Mupusushi twabatishiwe muli Wene. Ku mupashi nomba twalyampana Nankwe. ii encende yesu nomba.

Icilengo cipy tulimo nomba tacishintilila pa mibeele *yesu*, imilimo *yesu*, ifyo *twakwata*, ifyo *twafilwa*. Nakuba uko twikala takulanga ifyo tubomba, nefyo tufilwa ukubomba iyo. Ala cashintililafye pafyo Kristu aacita. Umweo wa kwa Yesu uwapwililika, imfwa Yakwe iyakuipeela bu lilambo elyo no kushukuka Kwakwe ukwa bukacimfya efintufye Tata amona ilyo atulolesha. Ico twalibatishiwa muli Kristu, Lesa lyonse utumonafye muli Wene.



Belengeni Abena Roma 6:3na4. Ilyo twapuswike twabatishiwe muli Kristu. Apapene epo twalufiishe bu muntu bwesu ubwakale, pantu twafwile Nankwe no kushikwa Nankwe. Apapene kabili epo twapokelele ne cilengo cipy tucankilwaamo. Twashukukila ku mweo uupya, icilepilibula ukuti tatwikalila ku busuma bwa mibeele yesu nangula mu maka yesu nakalya, lelo twikalilila mu maka ya mweo Wakwe!

Ukufuma mu malembo ayakonkelepo, londololeni ubunonshi twapeelwa ico twaaba “muli Kristu”:

Abena Roma 8:1 _____

Abena Efese 1:4 _____

Abena Efese 1:6 _____

Abena Efese 1:7 _____

Abena Efese 6:10 _____

2 Abena Korinti 5:17 _____

2 Abena Korinti 5:21 _____

Ubwiminishi Ubupya – Ukutontokanya Ukupya

Cikankaala ukuti twaumfwikisha bwino ubukankaala bwaaba muli ici icileitwa icilengo cipya. Ukuba muli Kristu cilepilibula ukutula Lesa nomba tatupingula ukulingana no busuma bwa milimo yesu iyo, lelo atupingula ukulingana no busuma bwa milimo yakwa Yesu. Lesa lyonse utumwenafye muli Kristu, naifwe bene efyo tufwile ukulaimona lyonse.

Ilyo abana ba Israele baali mu Egupti baalifye luko lwa busha. Pa myaka ikucila imyanda ine baali mu busha ku bantu ba mu Egupti. Nomba ubushiku bushilile kantu, Lesa mu maka Yakwe ayabulamba, aalibakakwile ukufuma mu Egupti. Basangwike abantungwa. Baali no bwiminishi ubupya mu myeo yabo. Baalifumine mu busha. Baali nomba luko ulwabantungwa. Lesa aabateyanishe ifikalamba. Baalingile ukuba ulubuuto ku nko shimbi. Baali ni bashimapepo kabili imfumu kuli Lesa.

Lelo, baaikatililefye ku cimonwa cabo icakale. Bakonkenyepofye ukuimona nga basha. Imitontonkanishishe yabo tayalingene ne cipya ico bali naco. Baakwete ubwiminishi bupya, lelo baaikatilile ku mitontonkanishe yakale.

Kucabulanda, abena Kristu abengi bekala imyeo yabo ififine. Bena filengo fipya, lelo basungililafye ukutontokanya kwakale pa myeo yabo. Bena balolesha pafyo baakwata, ukumfwa ifyo abantu basosa pa myeo yabo napafyo bamoneka, ukuti efyo baaba, eico, pamo nga bana ba Israele, tabengila mu mweo ya kucimfya nakalya.

Ala muli cilengo cipya. Tendekeni ukuimona ngefyo Lesa amimona – muli Kristu.

Belengeni Abena Galatia 2:20 no kulemba iiboni mu mashiwi yenu mwebene:

Isambililo lyalenga butatu – Ukulengwa Cipyaacipyaa Mu Muntu Wa Mukati

Umuntu umukankaala ku calo ca ku France uweshina Iya Baron Richard d'Arcy aalitekele icitekwa icaibeela pa ng'anda pa mwakwe – inkalamo iyali ne myaka ibili!

Icungulo ubushiku bushilile nkantu mu mwaka wa 1977 aeseshe ukwingisha ici citekwa mu muputule wa kusambilamo umo calesendama, lelo ii nkalamo yalikaninine ndaai ukwingila umo yalesendama, nei nkalamo no muntu batendeke ukuloleshanya bukali bukali ku kulwisha ukwishiba shikulu ni ani. Icishela inkalamo yatolokele “shikulu wa iko” no kumusampaula mpaka afwa.

Ukusunga inkalamo nge citekwa pa ng'anda cileumfwika nge ceeni, lelo ba Baron baalifililwe ukulolesha pacintu icikankaala. Mukusenda inkalamo no kuibiika nge citekwa pa ng'anda tabaicingishe imibeele yaiko nakalya. Inkalamo tayasangwike pushi iyo, ngefyo ba Baron baishile sambilila mu bwikashi bwabo nei nkalamo!

Icipingo citusambilisha ukuti cila cibumbwa cibebelelafye filyafine baacibumbile mpakafye nemfwa yaciko.

No muntu naowine efyo aaba. Twafyelwe ne mbeela ya lubembu ecalenga tulabembuka. Tatwaaba ababembu pantu tulabembuka iyo, lelo tuli babembu pantu twafyalwa nembeela ya lubembu. Nge nkalamo, tekuti tufume mu mbeela yesu. Inshilafye imo iyo twingafumina mu mbeela yesu, kufwaa. Ifi efyo Icingo citweba ukuti efyatucitikila.

Ilyo twafyelwe libili imbeela yesu iyakale yalifwile elyo twapokelele imbeela iipya, iliyaine imbeela yakwa Kristu Umwine. Yesu Kristu esa mukwikala muli ba ifwe ukupitila muli Mupashi no kutupela imbeela Yakwe. Icingo citweba ukuti “twalikumako kumbeela ya bulesa” (2 Petero 1:4).



Muli ili sambililo lyalalolesha pa kucinja ukucitika mukati ka muntu uwafyalwa libili

Bushe Amalumbo 51:5 yalelondolola shani imbeela twafyelwe nayo?

Bushe ico kalemba wa aya malumbo alelililo kuti Lesa acite ni cinshi, icili mu mboni yalenga ikumi limo?

Abantu bamo batontonkanyo kuti bacinja imitima yabo. Tulomfwa uko abantu balesosa “palwakupilibula ipepala Iya citabo ca mweo wabo,” nensoselo shimbi ishaha ngefifine. Bushe Shikulu alesosa shani muli Yerima 13:23?

Ukulingana na Abena Roma 6:2 bushe finshi fyacitika ku bwiminishi bwa mwina Kristu no lubembu?

Tufwile ukumfwikisha bwino bwino umo Icipingo cilelosha ilyo casoso kuti *twalifwile* ku lubembu. Intanshi, natuloleshe pafyo Icipingo tacilepilibula mu kusosa ifyo:

- Tacilepilibula ukuti twalifika pa ncende apakuba abapwililika ukwabula ulubembu ululilonse – ukutula abena Kristu tababembuka calipwililika.
- Kabili, tacilesoso kuti twalifwa ku matunko.

Cila mwina Kristu alatunkwa ukuti aponene mu lubembu cilabushiku no bwaca. Limolimo tulaponenamo no kuponenamo mu matunko. Nomba kanshi calola mwi icakutula *twalifwa* ku lubembu?

Ilyo twali tatulapusuka twaleikala mu bufumu bwa mfifi iyatola nganshi. Amaka yabulya bufumu lubembu. Twaikatililwe no kutitikishiwa na maka ya lubembu. Ilyo twafyelwe libili twalifumishiwe muli bulya bufumu, ukufuma mu kutitikishiwa na maka ya lubembu, no kuletwa mu Bufumu bwa kwa Lesa.

Mu lubuuto lwa Bufumu bwa kwa Lesa tatwaba nomba mu kukontololwa na maka ya lubembu iyo. Amaka ayapusanako eyabomba mu Bufumu bwa kwa Lesa.

Belengeni Abena Roma 5:21. Bushe makanshi ayalebombela mu myeo yesu nomba?

Ukusenamina cilepilibula amaka ya kwa Lesa mu ncende ya bunake bwesu. Mumashiwi yambi, ilyo twali mu bufumu bwa mfifi tatwali na nsambu ukulabembukabembukafye. Twali nembeela ya lubembu kabili twaletungululwa no lubembu. Ilyo twaisa mu kusenamina kwa kwa Lesa, mukupusanako, ici cilelola mukutula tuli bantungwa kuti twakana ukubembuka. Tuli bantungwa kuti twabeela Mupashi. Belengeni Abena Roma 5:21 nakabili.

Bushe ififuma mu lubembu nifinshi? _____

Ingefifuma mukusenamina nafyo nifinshi? _____

Belengeni Abena Roma 5:20. Bushe cinshi cakwatapo amaka pa lubembu nangula ukusenamina?

Bushe cinshi cilenga abena Kristu abengi ukulalwishanyafye no lubembu? Ifwe nomba, ukulingana na Abena Roma 5 na 6 twalipokelela imbeela iipya, lelo ii mbeela ipya ikala mu mubili ulyawine twaali nao kale! Tatwkapokelele ibili iipya (iyanyowani) mpaka ukwisa kwa cibili ukwakwa Kristu.

Imbila nsuma, nangula cibe ifi, yakutula umubili wesu nomba ufwile ukucita ifyo imbeela yesu iipya ilewebe ukucita. Ilyo twaali tatulapusuka twalebeela amaka ya lubembu ayalebombela mu mubili wesu. Nomba, kuceshuko, Kristu ekala muli

ba ifwe no kuteeka ukupitila mu kusenamina Kwakwe. Tatuli basha nakabili nakalya. Tuli bantungwa abafwile ukwendela mu bulungami no kubeela.

Bushe Paulo alesosa finshi mu mboni ishikonkelepo?

Abena Roma 66 _____

Abena Roma 6:12 _____

Abena Roma 6:14 _____



Ifyakufibomfya

Ifyakwikala Mu Kucimfya Pa Lubembu

Ukusambilisha ukwingi muli ili isambililo kufumine muli Abena Roma 6. Umutwe wa ici cipandwa (chapter) bu pusano ubwisa ne mbeela iipya mu myeo yesu. Cikankaala ukwishiba ifyakubomfwa aya masambililo mu myeo yesu. Mu Bena Roma 6:1-14 natupelwa intampulo sine ishayanguka nganshi pakutila twendele mukucimfya pa lubembu cilabushiku

- **Nambala 1** tufwile **ukwishiba** no kumfwikisha ukutila ifwe twalifya ku maka ya lubembu no kutitikishiwa kwa luko pa myeo yesu (moneni Abena Roma 6:2na3). Bushe mwalishiba ici? Ngatamwaishiba konkanyapo ukupituluka mulili isambililo mpakafye mukacumfwikishe. Iciine (icishinka) cilakakula!
- **Nambala 2** tufwile **ukucetekela** isambililo ilyakuti ifwe nomba twikala na Kristu na maka ya kusenamina Kwakwe (Abena Roma 6:8). Endeleni mu citetekelo mufyo icebo cakwa Lesa cilesosa, tekwendela mufyo *muleumfwa* nangula ifyo *muletontokanya*.
- **Nambala 3** tufwile **ukuimona** nga baafwa ku maka ya lubembu elyo kabili nga bamweo ku maka yakwa Lesa (moneni Abena Roma 6:11). Muleikala nomba ukulingana nefyo Icipingo cileti efishinkashinka pali ba imwe!
- **Nambala 4** tatufwile nomba ukupeela ba membala ba mubili wesu – amenso, amatwi, imilomo, iminwe, amakasa, nafimbipo – ku lubembu, lelo **kufipeela** kuli Lesa nge fibombelo fya bulungami (moneni Abena Roma 6:13).

Ukusupawila. Pamo nga bena Kristu, incende yesu yakutila nomba twalikwata imbeela iipya iikala mu mubili wakale. Umubili tawabipa iyo. *Tentuntuko* ya lubembu iyo. Lelo ecaba *pakati* ico ulubembu lumonekalamo. Tekuti tubembuke ukwabula umubili! Imbeela yesu iipya, nangula cibefyo, taitungululwa na maka ya lubembu iyo, lelo yaaba mukusenamina. Tulalanga ici ukupitila mu kupeela ba membala ba mubili yesu ku kubombela ubulungami. Ukusenamina kwa kwa Lesa kwalitulenga abantungwa ku kupelesha ku kubombela ubulungami.

Isambililo lyalenga bune – Icipingo

Umukuni wa fyoso fya muli bamba fyabeleshe ukulya imyunga yesabi iyaalesha abashila besabi. Pa myaka iingi “fyaletolatolafye” panuma ya bashila.

Mukuya kwa nshita isabi lyasukule lyapwa pe tenga lilya abashila baalelobapo no kweela. Ecalengele abantu pali uyu mushi baalikukile no kuselela kwisamba lya bamba ukwalesangwa isabi. Lelo ifyoso fyena, tafyakonkele aba bashila iyo. Napamulandu wakutita fyashintililefye pa myunga yaalesha abashila, tafyaishibe ifyakuifwaila ifyakulya nakalya. Napamulandu uyu, ifyoso fyonse fyalipwile ukufwa ku nsala.

Les aalimya ba kasambilisha na bakashimikila ba ceebo ca mu Cipingo ku kuliisha umukuni wakwe cila mulungu. Lelo tacali mu bufwayo bwa kwa Lesa ukuti abantu *bekalililefye* pafyo bambi balebasambilisha. Aalibika muli cilamwana insala iyakuliila umwine palwakwe ukufuma mu ceebo cakwe. Ngatwafilwa *ukuiliila* fwebene, ngefyoso fya muli bamba, mukuya kwa nshita tukaloba.

Ilyo abana ba Israele baalepita mu ciswebeebee, Lesa aalebaliisha cilabushiku no mukaate wa kumuulu. Manna, ngefyo ba witile, walepona ukufuma kumuulu kacelocelo cilabushiku pamo no mume baalesanga nausalangana mpangayonse ukushinguluka inkaambi. Cilya umume wakuntika manna aaleshala naatutubala nga menshi makaasa. Abana ba Israele baaletoola cila luceelo ukulingana nefyo bengalya pali bulya bushiku. Uyu mukaate walibasungile pa bulendo bwabo bonse mulya mu ciswebeebee.

Munshila imoine, Lesa aalitupela iceebo Cakwe, Icipingo, nge cakulya ca myeo yesu. Cilalenge tube aba mweo ku mipashi. Lelo tufwile twasambilila ukuiliila fwebene cilabushiku Iceebo cakwa Lesa.



Muli ili sambililo twalaloesha pa fintu fimo ifyo Iceebo ca kwa Lesa cikatucitila, elyo napafyo twingasambilila ukuiliila fwebene.

Belengeni 2 Timote 3:15-17.

Ukulingana na vs 15, bushe umulimo wa Cipingo mulimo nshi?

Bushe ninani uwalebele Icipingo?

v. 16a _____

Bushe iciputulwa ca Cipingo icaputwamo na Mupashi wa Mushilo ciputulwa nshi?

v. 16a _____

Bushe ifintu fine ifyo tunonka mu Cipingo fintu nshi?

v.16b _____

Bushe Icipingo calampekanya ukufika peesa mu bwikashi wandi?

v. 17 _____

Mu cikomo calenga ikumi na mutanda (16) twacibelenga ukutita tunonka ifintu fine mukubelenga Icipingo. Ubupilibulo bwa ifyo fintu nyuubu:

- “Amafundisho” nangula “ukusambilisha” – ukutulondolwela ifya kwikala umweo wa bwina Kristu.
- “Ukukalipilwa” nangula “ukwebaulwa” – ngatatuleenda ukulingana nefyo Lesa aasosa Icipingo cilatushinina pafilubo mu bwikashi bwesu.
- “Ukulungikwa” – panuma ya kutukalipila Icipingo cilatulanga ifya kubwelela munshila iyalungama nakabili.
- “Ukutulondolwela inshila sha bulungami” – ukubomfya Icebo ca kwa Lesa libilibili, mu kulekelesha kukatusambilisha ifyakwendela mu nshila sha bulungami. Icipingo cilatwafwilisha ukuba abakanshiwa mu nshila sha bulungami.

Nomba natupilibukile mu Malumbo 119. Ukulingana neshi mboni ukufuma muli ulu lwimbo, bushe Icipingo finshi cingatucitila?

v. 9 _____

v. 11 _____

v. 25 _____

v. 105 _____

v. 130 _____

v. 133 _____



Ifyakufibomfya

Ifikomo ifyakonkapo fikamyafwilisha ukunonkamo nganshi mu Cipingo ceenu:

Kwateni icibeleshi icakubenga Icipingo cilabushiku

Ibukisheni, umukaate mu ciswebebe walepona cilabushiku lelo abaana ba Israele baalefuma cilabushiku mukutoola. Ngabaesha ukusenda umukaate uwakulya inshiku shibili mu bushiku bumo, ifyo baashile abati tukalya mailo baalesanga nafibola filefumya ne mititi no kununka filenunka! Tukabila umukaate uupya cilabushiku. Yesu atufundile ukupepa: “Tupeleni *ilelo* icakulya ceesu icanshiku shonse”

Saleni akashita ne ncende uyakuti tamwapumfyanishiwe.

Cikankaala ukuti mulifye mweka no kukana pumfyanishiwa lilya mulebelenga Icebo. Nakuba, ninshi ni Lesa uulelanda kuli iwe! Kuti caba bwino ngakuti mwatendeka ubushiku bwenu ukubelenga icebo ca kwa Lesa. Icingulo kuti mwaba abanaka ukuposako amaano. Icebo ca kwa Lesa cikamikansha no kumipekanya palwa bushiku muleingilamo. Nangula cibefi, tamufwile mwacisenda nge cipoope iyo.

Lombeni Mupashi wa Mushilo Amipeele Ukwishiba

Icipingo calipusanako ku fitabo fimbi. Calembelwe na Lesa, te muntu nakalya. Eico, teti mucumfwe na maano ya buntunse. Lesa akamilenga ukumfwikisha Icipingo Cakwe. Mulombenifye.

Lyonse Muleisa No Mucetekanya Uwalungama Ilyo Muleisa Ku Kubelenga Icipingo.

- ✓ Iseni abaicefya.
- ✓ Iseni abaipenya ukucinjishiwa ne ceebo, tekwisa mukucinja ifyo tamwatemwa mu Cipingo.
- ✓ Iseni ku Ceebo mu citetekelo. Citetekeleni!

Sambilileni Ukwetetula.

Ukwetetula cilepilibula ukutontonkanya ukupitila mu kusosa kuli mwebene, ukulangalanga, ukutontonkanyapo, ukupitulukamo libilibili. Cisuma ukubelenga utunono no kuleka Lesa asosa kuli iwe, ukucila ukubelenga ifingi elyo wafumapo nelyakwa namungwa ukwabula ipaalo ukufuma mu ceebo. Ipusheni aya mepusho panuma ya Kubelenga Icipingo.

- ✓ Bushe kuliko *icipoope* ico mfwile nasunga mwa?
- ✓ Bushe kuliko *ubulayo* fwile na tetekela mo?
- ✓ Bushe kuliko *icilangililo* ico mfwile nakonkamo?
- ✓ Bushe kuliko *ubusoke* mfwile nasunga? Ukwali nsoke takwafwile muntu?

Belengeni Yakobo 1:22-25.

Finshi twalanonka mukulolesha mu cilolani?

Bushe busansonshi ubulesangwa mu mboni shalenga amakumi yabili na fitatu ukufika ku yalenga amakumi yabili na fine (23-24)?

Kukoselehiwanshi tulesanga mu mboni yalenga amakumi yabili na fibili (22)?


Bulayonshi ubupeelwe mu mboni yalenga amakumi yabili na fisano kuli abo ababomfya icilolani ca ceebo ca kwa Lesa mu bulungi?

Isambililo lyalenga busano – Ipepo

Umulumendo umwaice alelolesha mu mabuula ya Cipingo cakwe umwaba ifikope ifyapusanapusana ubushiku bushilile kantu, aisa Mona icikope ca kwa Yesu ali mu mapepo. “Finshi ifyo Yesu alecita?” umulumendo aipusha ba nyina. “Alepepa kuli Lesa,” ebwasuko ba nyina bamwaswike. “Nomba Yesu *ni* Lesa!” umulumendo asosa.

Ngacakutila ipepo caali icintu icikankaala mu mweo wakwa Yesu ilyo aali panwe sonde, ingaifwe calapela kwisa ukukabila amapepo mu myeo yesu?

Abasambi baalimwene ukuti Yesu aalepepa libilibili. Baalimwene nacimbipo, icakuti ipepo lyaalikwete amaka mu mweo wakwa Yesu no mulimo wakwe pano isonde. Na mukulekelesha, baasangile ubukose no kulomba Yesu ukuti abafwilishe mu myeo yabo ukulola ku mapepo. “Shikulu, tusambilisheni ukupepa,” efyo baalombele. Necatumbwike mukulomba uku cakutula Yesu aalibapele ifyakukonka pa kupepa. Ilingi tuciita “Ipepo lyakwa Shikulu”, lelo lyali lipepo apeelee kuli ba ifwe. Lipepo *lyesu*. Taloseshe mukutula tulekonkelesha ififine ilyo lyonse tulepepa iyo, lelo aatupееle ici ukuti cingalabomfiwa ngo mutande we pepo. Ubushiku bwa lelo, abena Kristu abengi isonde lyonsefye babomfye ci nge shintililo lya mapepo yabo ayacilabushiku.



Mwisambililo Iyesu uno mulungu twalalolesha pafyo twingaba bakapepa abamaka.

Bamo batontonkanya ukuti ipepo enshila yakukwatilamo ifyo tulefwaya ukufuma kuli Lesa. Ngo mukashana uwapepele ukuti, “Shikulu, ubushiku bwalelo nshailombelepо icili conse, nalapepelakofye abantu bambi. Shikulu, ndekabila ukupepelako abafyashi bandi, napapata mukabapeele umupongoshi umwaume umusuma uwapamfuka bwino kabili umukankaala!”

Ipepo lyalicila pa kuleetafye ifyo tulefwaya kuli Lesa. Ngefyo tulemona mu butantiko ubukonkelepo, ifiputulwa infyantashi mu mutande Yesu aapeele filesontafye kuli Lesa – Ishina lyakwa Lesa, Ubuteeko bwakwa Lesa elyo no bufwayo bwakwa Lesa. Ubukata bwe pepo bwakutula lilatubikamo mu bufwayo bwa kwa Lesa. Iciputulwa calenga fitatu ifya mutande we pepo ciletontomesha pa myeo yesu – ifyo tukabila, imembu shesu, umulwani wesu.

Umutende we Pepo – Mateo 6:9-13

Mwipepo Yesu afundile abasambi bakwe mwaaba ifipande mutanda (6) Mateo 6:9-13.

Nambala 1 Ishina lyakwa Lesa

“Mweshifwe waba mu Muulu, ishina lyenu Licindikwe” (Mateo 6:9)

Icantanshi ico tulesambilila pamulandu we pepo cakutula ipepo lyashintilila pa bwiminishi. Lesa ni Tata. Teonse umuntu uwingeta Lesa ati, “Mweshifwe” nyabofye ababa muli Kristu. Bushe insambu shimoshimo isho abana bakwa Lesa bakwata ninsambunshi?

Mateo 6:31 na 32 _____

Amalumbo 103:13 _____

Icantanshi ico tucita ngatwaisa mu ceeni cakwe ku Mushinshimuna. Ishina lyakwe lifwile lyabeelwa *akatiina*, ifyaba ngo kupelwa ubukata no kusumbulwa ukucila pa mashina yonse. Ilyo tulepepa ukuti, “Ishina lyenu Licindikwe” ninshi tuletula, “Mwingasendwa ngaabamushilo, Mwingapelwa umucinshi, ukusansabikwa elyo no bukatami, pantu mwalilinga.”

Bomfyeni iciputulwa ce pepo mu kushinshimuna no kulumbanya Shikulu.

Nambala 2 Ubuteeko bwakwa Lesa

"Ubufumu bwenu bwise." (Mateo 6:10)

Ubufumu bwa kwa Lesa bwaaba uko Yesu aapokelelwa nga Shikulu. Iryo lyonse abantu bafyalwa libili baletwa mu Bufumu bwa kwa Lesa. Ninshi bafuma mu kuteekwa na Satana, baisesa mu buteeko bwa kwa Yesu.

Abena Kolose 1:13 na 14

Bushe finshi ifyo Lesa aatucitila? (v 13) _____

Finshi ifyo twapokelele pali ii nshita? (v.14) _____

Ukupepa ukuti Ubufumu bwa kwa Lesa bwise kupepo kuti imbila nsuma isabankane . Muli ici cipande ce pepo pepeleleniko:

- ✓ Abobonse abashimikila imbila nsuma
- ✓ Abanenu bonse abashapusuka, na benamupalamano beenu, nabambipo.
- ✓ Umulimo wa Chilonganino mwabamo
- ✓ Ukubila kwa mbila nsuma mu Musumba wenu
- ✓ Ukubila kwa mbila nsuma mu calo cesu
- ✓ Ukubila kwa mbila nsuma munko shimbi

Nambala 3 Ubufwayo bwa kwa Lesa

"Fyonse ifyo mwatemwa fibe muno calo nga mumuulu" (Mateo 6:10)

Finshi Paulo apeepeleko mu Bena Kolose 1:9? _____

Finshi fikatumbukamo, ukulingana na Abena Kolose 1:10? _____

Finshi ifyo Lesa akacita mu kutwafya pakuti tucite ubufwayo Bwakwe, ukulingana na Abena Kolose 1:11?

Bomfyeni ici ciputulwa ce pepo mupepe ukuti mwingeshiba nokucita ubufwayo bwakwa Lesa.

Nambala 4 Ifyo Tukabila

"Tupeeleni ilelo icakulya cesu icanshiku shonse" (Mateo 6:11)

Belengeni Yakobo 1:17. Bushe uutupeela ifintu fyonse tukwata ni ani?

Bambi kuti basoso kuti pantu tulabomba no kufola indalama ishakushitamo ifyo tukabila, nifwe fwebaifwaila ifyo tukabila. Bushe Amalango 8:18 yasosapo shani pali ili lyashi?

Bomfyeni ici ciputulwa ce pepo ku kulomba Lesa amipeele ifyo mukabila cilabushiku.

Mwilaba ukumutotela pali bu cinshinka Bwakwe mu kumipeela ifyo mukabila cilabushiku.

Nambala 5 Ulubembu Lwesu

“Mutubelele uluse ku membu shesu ifyo twelele abatubifya” (Mateo 6:12)

Kuli imbali shibili ku nsoselo ishi:

a) Ukwelela kwakwa Lesa Ukwu Membu Shesu

Lesa aalyelela kale imembu shesu **SHONSE** ukupitila mu mulopa wakwa Yesu. Ee limolimo tucili tulabembuka. Lelo, tubelelefyey abalungami nangula twabembuka. Bushe icilayo ca mucipangano cipya icapeelwa mu Abahebere 10:12 cilayo nshi?

Bomfyeni ici ciputulwa ce pepo mu kutumbula ubulungami bwenu no kutotela Lesa pantu imembu shenu shonse shalyelelwa. Kabili, mulombe Lesa amipeele ukusenamina pakuti mwingacimfya amaka yamatunko no lubembu.

b) Ukwelela kwesu Ukwu Bantu Banensu

Mu cipangano cipya tatwelela pakuti naifwe twelelwe. Bushe Paulo alesosa shani mu nkalata yakwe ku Bena Efese 4:32?

Bomfyeni ici ciputulwa ce pepo mukwelela abo bonse abamilufyanya.

Nambala 6 Umulwani Wesu

“Mwitutwaala mu matunko, lelo mutufumye mu fibi” (Mateo 6:13)

Nga bena Kristu twalikwata umulwani – satana. Satana akalaesha ukutu cimfya ukupitila mukututunka ukuti tubembuke.

Bushe lipaalo nshi tulesanga ngatwabelenga 1 Abena Korinti 10:13?

Bushe tufwile ukucita shani ilyo twakumana na meesho, ukulingana na Yakobo 4:7?

Bomfyeni ici ciputulwa ce pepo ukulombo kuti Lesa amisungilile ukufuma mu kuponena mu matunko yakwa Satana

Isambililo Iyalenga Mutanda – Ukukwata Isenge

Ba Kakumba baile mukutandalila membala wabo umu uushamoneke ku kulongana pa milungu iinono. Kwali ukwatalala nganshi eico bamusangile aleonta umulilo. Ba Kakumba baikele mu cipuna ngefyo mu kulolenkana nankwe kubushilya bwa mulilo.

Uyu muntu uushamoneke ku Cilonganino pa kashita ntali aalishibe ico ba Kakumba baishiile mukumutandalila, lelo ba Shimapepo tabasosele ishiwi nangu liimo. Uyu muntu aisashupikwa pamulandu wakuti baikalafye tondolo. Mukuya kwa nshita, ukwabula ukusosa nangu ciimo, ba Kakumba baisa ima babula icishishi icalepya bacifumya pa musolilo bacibika mu mito kunse ya mulilo. Napanuma babwela baikala pa cipuna baikelepo ku ntanshi ya mililo, ukwabula ukusosapo akantu nangu kaamo.

Panuma yakashita akanono icishishi caleka ukubilima. Calafukafye icunshi apo bacibikile. Ba Kakumba balolesha pa cishishi, elyo baisalolesha na membala wabo, baima no kwima no kususokuti, “Natotela pa kashita mwacimpeela. Shalenipo”. Ilyo baleya ku kufuma pa mwinshi membala ebele,”Natotela pa kuntandalila, makamaka pa mbila mwashimikila iyumulilo! Pa sondo uno mulungu nkesa ku kulongana.”

Ukwabula no kususapo akantu akali konse ba Kakumba balishimikila imbila iyamaka nganshi pa bukankaala bwaba mu kukwata isenge na bena Kristu ba nensu. Lilya icishishi caali mu mulilo ne milando ibiye, caalebilila busakabusaka. Cila cishishi icalepya caleyambukisha umulilo ku fibiye, naco caalefumya umulilo ku fibiye. Ilyo icishishi bacifumishe mu mulilo no kucibika ceeka, caliisa shima.

Ubwina Kristu nabobwine efyo bwaaba. Tabwapangilwe ukubwikala weka iyo. Abena Kristu balakabila ukukwata isenge na bena Kristu banabo libililibili. Bamo batontonkanyo kutila bakaba abena Kristu abapambaana ukwabula ukukwata isenge na bena Kristu banabo, lelo nga mwalolekesha mu myeo yabo mwaaliba ubulema ubukalamba nganshi.



Muli ili isambililo twalalolesha pa bukumu nangula ubunonshi bwaba mu kukwata isenge

Belengeni Abahebere 10:24 na 25

Ukulingana ne cipandwa calenga ikumi ne cikomo calenga amakumi yabili na fine (10:24a) bantu nshi tufwile twaloleshako?

Fintunshi ifili fibili ifyo tufwile twabilimuna mu myeo yesu neyabanensu (moneni 10:24a)

elyo _____

Ukulingana na 10:24a cinshi ico tatufwile ukulekelesha?

Mulimo nshi uukankaala uo tufwile ukulakumanina capamo, muli 10:25b?

Ni dyonko nshi nangula bunonshinshi tupelwe muli 10:25b ubusangwa mu kukumana capamo libililibili na bena Kristu banensu?

Moneni ici icakutila ishi imboni shonse shibili, Abahebere 10:24 na 25, shiletusambilisha ukuti tufwile ukulakwata isenge na banensu pantu balasangamo *ubukumu* ngefyo nefyebene tupalilwamo. Tatufwile ukulatontonkanyafye pafyo twalanonkamo mu kukwata isenge na banensu, lelo tuloleshe na pafyo twalapaala abo tulekumana nabo. Ishi nsoselo “umo no bubiye” shilasangwa imiku iingi nganshi mu Cipingo Cipy.

Bebeteni ifikonkelepo “umo no mubiye” insoselo ishi shilekonkomesha no kutweeba inshila ishingisiho twingabelamo ipaalo ku bena Kristu banensu:

Abena Roma 15:7 _____

Abena Roma 14:19 _____

1 Petero 1:22 _____

1 Petero 5:5 _____

Yakobo 5:16 (1) _____

(2) _____

Abena Efese 4:1 na 2 _____

Abena Efese 4:32 _____

Belengeni Abena Efese 4:1-16. Lembeni ifintu cine lubali (7) ifilumbwilwe mumboni ukutendekela pa mboni yalenga bune (4) ukufika payalenga mutanda (6), ifilenga abena Kristu ukwikatana (cilacimo ciletendeka ne shiwi “umo”)

Imboni yalenga ikumi limo na imo (11) ilelondolola ubutungulushi ubwapusanapusana imisango isano (5) iyo Yesu aapeela ku Cilonganino. Butungulushi nshi?

Ukulingana ne mboni yalenga ikumi na shibili (12) muulimo nshi ubu butungulushi bukwete mu Cilonganino?

Ilyo tulepokelela ukupyunga kwabuko finshi fikamonekela mu myeo yesu, ukulingana na 4:12-16?



Ifyakufibomfya

Icipingo cisonta ku Cilonganino ngo Mubili Wakwa Kristu. Tacisoso kuti Icilonganino *caba* ngo mubili, lelo citila e Mubili Wakwa Kristu.

Kuliko ifintu fibili ifitupeela no kusungilila ukwikatana kwa mibili yesu, ifyo ifisonta na ku Mubili wakwa Kristu, uwaba Cilonganino. Intanshi, mu mibili yesu ii muulopa umowine uupitana mu nsandesande shonse, kukusamba umubili no kuuliisha. Ngacakutula umulopa uutwala ubuume waleka ukupita kuciputulwa icili conse ninshi cilya ciputulwa calafwa. Munshila imoine, cila membala wa Mubili Wakwa Kristu asambwa no mulopa Wakwe. Icabubili, umupashi no mweo wa muntu usangwa mu fiputulwa fya mubili monsefye. Tekuti fikalefye mu ciputulwa ca mubili cimofye ifyapala mukuulu, muli pwapwa nangu umulimo monse nakalya. Munshila imoine, Umupashi wakwa Kristu usangwa muli cilaumo uwaba ni membala wa Mubili Wakwa Kristu.

Lyonse muleibukisha ukutla mwalisuntikana na ba munyinenwe na bankashi muli Kristu no mulopa wakwa Yesu elyo no Mupashi wakwa Lesa. Bu umo ubwa mubili wakwa Kristu te cakuntanshi uko tuleya lelo cintu icilipo ubwalelo.

Ukulingana na Abena Efese 4:3 kuti twasunga shani ukwikatana kwesu?

Isambililo lyalenga cine lubali – Ukusabankanya Icitetekelo Ceenu

Pa Mumana wa Mississippi ku calo ca America paaba amaato ayengi iyasenda abantu abatemwa ukwangala pa menshi.

Kapitao uwa cibwato cimo aalikwete ilyashi ilyo aaleshimika ku bantu abalenina icibwato aalimo. “Mwamumona kapitao wa cibwato cilya?” aipusha, ninshi alesonta ku cibwato cimbi, “Ee, twamumona,” e kwasuko apokelele. “Finshi fipuseneko ifisuma pali ena?” Kapitao atendeka no kulondolola ilyashi lyafyo icibwato aalimo capunkeene ne cibwato cimbi, nefyo aposelwe mu menshi ukufuma mu cibwato cakwe. Aali mu bwafya bwa kunwiina, lelo Kapitao munankwe aiposele pa menshi no kumupususha ukufuma ku mfwa.

“Ulya mulemona ewampuswishe ukufuma ku mfwa,” alondolola. “Ukutendeka bulyabwine bushiku, ndafwaya ukulanga ulya Kapitao ku bantu abengi. Aalipuswiswe umweo wandi, nga teo nganshabapo.”

Munshila imoine ilyo umuntu apusuka ukufuma ku kulimunwa ukwa muyayaya ku mbo, ukupitila mu kutetekela muli Kristu, alafwaya ukusontelela abanankwe uwamupusha. Cintu icabafye mu cifyalilwa icakuti abena Kristu balafwaya ukweba ababiye palwakwa Yesu ne Pusukilo lyakwe.

Ilyo lyonse twaebako bambi ifyo Yesu aacita mu mweo yesu tucite fintu fibili:

- ✓ Tupeela ubukata kuli Shikulu pa mulimo wakwe uwakutupususha.
- ✓ Tupeela abantu bambi ishuko ilyakuti nabo beese beshibe icitemwiko ne pusukilo lya kwa Lesa palwaabo abene.



Isambililo ili libeleleko ku kumyafwa imwe ukuti mwakanye icitetekelo ceenu muli Kristu ku bantu bambi.

Belengeni Imilimo ya Batumwa 1:8. Bushe Yesu aatile abasambi bakwe bakaba bantu ba musango nshi?

Bushe amaka yakushimikila bakayafumya kwisa?

Yesu alefwaya ukuti ifwe tube inte Shakwe. Pakuba inte yakwa Yesu kwaba ifintu *fitatu* ifibamo:

- Inte ifwile ukubeelo bunte bwa **fishinka** ifyo yaimwenene
- Inte ifwile ukupekanya ukupeela **ifishinka**
- Inte ifwile ukupekanya ukulipila **umutengo** uuli onse ilyo ilepeela ubunte. (Ishiwi ilya “kambone” lyafuma kwishiwi lya mu ci Greek *martus*, ukwafuma ishiwi lya bu “martyr”! “mfwila Lesa”!)

Natuloleshe pa fikomo ifi fitatu:

Ifishinka.

Cikankaala ukwakanya ifishinka ifya kutendekelapofye mu bwina Kristu bwa muntu ilyo tulebile mbila nsuma ukufuma mu Cipangano Cipy. Filya fine fyapekanishiwa mu “Bena Roma” inshila iyayanguka mu kushimikila imbila nsuma iyashintilila pa mboni sine (4) ukufuma mu citabo ca Bena Roma. Ico mufwilefye ukwishiba kwibukisha imboni ya ntanshi, iili ni Abena Roma 3:23, ukulunda kuli ii mboni mu Cipingo ceenu lembeni imboni imbi iyakonkapo, mukonkanyepo ifyofine mpaka shonse shine shikumane.

Ubutantiko mu Abena Roma.

Abena Roma 3:23 batweba ifyo umupashi wa muntu onse waba. Waba shani?

(Pa mbali ya Abena Roma 3:23 mu Cipingo ceenu lembenipo Abena Roma 6:23a)

Abena Roma 6:23a baletweeba ifitumbuka mu lubembu. Ni finshi?

(Pambali ya Bena Roma 6:23a mu Cipingo ceenu lembenipo Abena Roma 5:8)

Abena Roma 5:8 baletweeba ifyo Lesa aacita pamulandu wa lubembu lwesu. Ni finshi aacita?

(Pambali ya Bena Roma 5:8 mu Cipingo ceenu lembenipo Abena Roma 10:13)

Abena Roma 10:13 batweba ifyo twingapokelela ubwelelo bwakwa Lesa. Kupokelela shani?

Ifi efishinka ifyakutendekelapofye mu mbila nsuma. Ukwishiba ifi fintu kukakupangasha ukuba inte yakwa Yesu.

Ifishininkisho.

Pamo nga bena Kristu kuti twapeela ifyakushininkishishako mukubila kwa mbila nsuma, pantu twalishibo kuti alapususha abantu abaume na banakashi ukufuma ku lubembu, no kubapeela umweo uwa muyayaya. Twaishiba shani? Pantu aalitupususha! Twalipita mu cantanshi ku bunte bwepusukilo Lyakwe. Kutu twapeela ubunte bwesu fwebene, ifyapala ngo kulondolwela bambi ifyatucitikile. Mwi sambililo lyalenga bumo twalimwene ukuti kwaba ifipande fitatu ku bunte ubuli bonse. Fipande nshi?

1) _____

2) _____

3) _____

Ukulingana na 1 Petero 3:15 cinshi ico tufwile ukuba abaipekanya ukucita?

Ilyo mwasambilila ukwakanya ubunte bwenu mukakwata icintu icamaka nganshi ku kushimikila palwakwa Yesu. Tapali umuntu uwinga taalika icintu ico mwasanga mwi pusukilo.

Satana tatemwa ngatwapeela ubunte bwepusukilo lyesu. Pamulandu wa ici alesha pamaka ukutucincintila ukufuma mukupeelo bunte bwe pusukilo lyesu. Acite ci ukupitila mukutwebo kuti imyeo yesu tayawama, napamulandu wa ico tatukwete insambu ishakulanda pa bwina Kristu bwesu. Ibukisheni, ubunte bwesu tabwashintilila pafyo twacitila Shikulu, lelo bwashintilila pafyo Shikulu Aatucitila! Ecalenga ifwe lyonse tukakwata ubunte ubwakusosa ku bantu banensu.

Umutengo.

Tebonse abotukebako imbila nsuma abakaba abapimpa ukuipokelela iyo. Nakuba, tukalakumanya abafikansa mu nshita ne nshita. Ici cintu cimo ico Satana akabomfya ku kwesha ukutucingilila ku ku sabankanya Imbila nsuma. Ukulingana no Ukusokolola 12:11, ifintu fitatu fintu nshi ifya maka nganshi mukucimfya umulwani?

1) _____

2) _____

3) _____



Ifyakufibomfya

Kulyabo abapusuka, abengi baleetwa kuli Kristu na bantu abaabeshiba, icakumwenako, balupwa babo, abena mupalamano, ifibusa fyabo, abo babomba nabo, no mutatakuya.

Kukuso kwa ncende iipelwe pesamba lembeni amashina ya bantu mwaishiba abo mukumanya libililibili, abashapusuka.

Kumbali ya aya mashina lembenipo ifyo mulemono kuti efyalenga kuti bepusuka nanomba, ifyakumwenako, “tabatala abomfwa imbila nsuma”, “bakanamifye”, “bacetekela mu fintu fimbi”, “balikalipwa”, “balitemwisha ifye sonde”, nafimbipo.

- ✓ Lombeni Shikulu pa tushita utwalinga ku kumilenga ukuti mushimikile Imbila nsuma kuli aba bantu.
- ✓ Pepeleleni pa fintu ifibapumfyanya kwipusukilo lyabo.
- ✓ Pepeni ukuti na bena Kristu bambi nabo bakabashimikile teimwe mweka iyo, ku kushininkisha ubunte bwenu.

Isambililo lyalenga cine konsekonse – Ukubatishiwa Kwa Mumenshi

Ba Kakumba baalelondolola ubupilibulo bwa lubatisho ku bena Kristu abapya mwi Sululu. Ilyo balelondolola baisa imya ukuboko kwaabo, ilyo baimishe ukuboko baaishile mona icinshingwa ca kuboko kwabo ca ciinga ulubali lwabo lumo. “Bushe mulemona icinshingwa ca kuboko kwandi?” baipusha, “Icinshingwa tekuboko kwandi iyo, lelo cileiminikafye ukuboko kwandi,” basosa. “Munshila imoine, ilyo mwaapuswike elyo no kubatishiwa kwa ciine ciine kwacitike.”

“Mwalibatishiwe muli Kristu akashita kalyakene mwaatetekeele. Mwalibikilwe mu kwampana Nankwe. Asangwike e mweo wenu. Fyonse ifyaacitikile Kristu fyaacitikile imwe. Aalifwile, aalishikilwe napanuma aalishukwike ukufuma ku baafwa, nelyo mwaatetekele muli Wene ifi fyonse fyaalimicitikile. Nomba, lilya mwabatishiwa mu menshi, cikopefye icafintu ifyaacitika kale mu mweo wenu.”

Eico, Ulubatisho cikope icabuuta tuutu icilanga ifyaacitika kale mu mweo wa muntu uwatetekela. Cishibilo ca kunge icilanga ifyaacitika mukati ka muntu. Lisambililo lya cakumwenako ku fintu ifyaacitika kale kuli abo abali muli Kristu.

Ilyo abantu babili baupana ilingi balafwikana indalaminwe ku kulanga ukuti nabopana. Munshila imoine, ulubatisho cilangililo ce pusukilo. Ukufwaala indalaminwe tacitulenga ukuupana iyo. No lubatisho lwa mumenshi nalolwine talutopususha nakalya. Ifi fikope fyonse fibili fibelafye ubunte ku fintu ifyaacitika kale.

Icishinka cakuti ulubatisho cikopefye ce pusukilo, te pusukilo iline, tacsundula ubukankaala bwa lubatisho iyo. Ngacakutula umuntu uwaupwa tafwele indalaminwe abantu balamusenda ngo muntu uushaupwa nangula uushaupwa. Ukupitila mukukaana fwala indalaminwe ninshi umuntu asala ukufisama ukutula taupwa nangula ukuupa. Munshila imoine, ulubatisho, enshile yalembwa mu Cipingo Cipywa ku kutumbuula apabuuta tuutu ukuti umuntu aalyampana na Shikulu Yesu Kristu.



Muli ili sambililo twalalolesha pa bupilibulo bwa lubatisho.

Twalalolesha pafyo Icipingo cisambilisha pa lubatisho lwa mumenshi, twalabomfwa ifintu fitatu nge mitwe ye sambililo Iyesu:

- ✓ Nani afwile ukubatishiwa?
- ✓ Bushe kuti mwabatishiwa shaani?
- ✓ Cinshi icalatulenga ukubatishiwa?

Nani afwile ukubatishiwa?

Munshita sha kutendekelako mu mwaka walenga imyanda itatu panuma yamfwa yakwa Kristu, intungulushi yabalilepo mu Cilonganino yasambilishe ukuti abafyashi abena Kristu bafwile ukuleeta untwana toonka ku kubatishiwa.

Intungulushi naimbi iya mu Cilonganino, iyeshina Iya Tertlian, yaishile kaana ayamamasambilisho nokutila, ifyo ciimo nokubika ka pushi pa muulu ngamila. Ulubatisho, ukulingana ne Cipingo, Iyonse Iwisa *panuma* ya citetekelo *talucilima* citetekelo nakalya. Ukubatisha utwana tonka kwasabankene mu Cilonganino no kusanguka umuteeto ilyo umwaka wa lenga imyanda isano panuma ya mfwa ya kwa Kristu wafikile.

Ukufuma mu mboni ishikonkelepo lembeni ngacakutila ulubatisho Iwaishile *ukucilima* icitetekelo, nangula ni *panuma* ya ciko:

Marko 16:16 _____

Imilimo ya Batumwa 2:38-41 _____

Imilimo ya Batumwa 16:14 na 15 _____

Imilimo ya Batumwa 16:31-34 _____

Ulubatisho ulyaishibikwe mu Cipingo Cipywa Iwali lubatisho lwa “muntu uwatetekela” epela. Ilyo umuntu apokelela Yesu Kristu ngo Mupusushi wakwe, bafwile ukubatishiwa bwangubwangu. Mu Cipingo tulemona ukuti abantu baalebabatisha panumafye babika icitetekelo cabo muli Kristu, lelo tabalebabatisha ilyo tabalatetekela iyo.

Bushe kuti mwabatishiwa shaani?

Bushe kuti batubatisha ukupitila mukutusansa amenshi pa mitwe yesu, nangula kutwibisha umubili onse mu menshi? Nangula, tacikwete incito? Ishiwi “ukubatisha” Iyafuma kwishiwi Iya ci Greek *baptidzo*, ilipilibula ukwabika, ukwibisha panshi, ukwibishamo, ukwibila, ukwibisha, ukubikamo, ukukupapa umupwilapo na menshi. Ishiwi limoline elibomfiwa na mukucinja imimonekele ya nsalu.

Ngacakutila umuntu alefwaya ukucinja ifyo icakufwala cakwe cimoneka, ilingi tabasekelamo pantu tacicinja umupwilapo, ngabalefwaya ukuti cicinjekofye mukumoneka! Ubupilibulo bwe shiwi kwibisha mufya menshi menshi ifyo babikilemo ifyo balefwaya ukuti insalu shabo shimoneke. Mu Cipingo tamwabapo epo batweeba ukuti ulubatisho kuti lwacitika munshila imbi ukucila iyakwibisha umupwilapo mu menshi.

Ukufuma mu mboni ishikonkelepo lembeni ngacakutila muletontonkanyo kuti ababatishiwe babatishiwe ulwakusansa amenshi pa mitwe yabo, nangula babatishiwe ukupitila mukubeebisha mu menshi umupwilapo:

Mateo 3:16 _____

Imilimo ya Batumwa 8:36-39 _____

Yohane 3:23 _____

Cinshi icalatulenga ukubatishiwa?

Ulubatisho bunte ubulangwa pa bweelu ubwafintu ifyaacitika kale mu mweo wa bwina Kristu. Ulubatisho talupususha muntu nakalya. Tupusukila mu citetekelo muli Kristu. Ilyo twapuswike, palyapenefye twalibatishiwe muli Kristu.

Belengeni Abena Roma 6:3 na 4. Fintu nshi fitatu ifyaacitikile Yesu elyo naifwe beene fyaalitucitila, apotwalibatishiwa muli Wene?

- 1) _____
- 2) _____
- 3) _____

Filyafine aafwile pa musalaba, naifwebeene twalifwile Nankwe. Filyafine aashikilwe, twashikilwe Nankwe. Na kumweo wa kushukuka Kwakwe twalikumako, ukupitilafye mu kubatishiwa muli Wene.

Tupeela ubunte kuli ifi fishinka mu myeo yesu ilyo twabatishiwa mu menshi. Ukwibishiwa mu menshi ya lubatisho no kwiibuka kabili ciko pe ca mfwa yesu, ukushiikwa elyo no kushukuka ku mweo uupya muli Kristu.

Ukusupawila

- ✓ Ilyo umuntu apusuka afwile ukubatishiwa bwangu bwangufye.
- ✓ Abana banono pamopenefye na bantu abashatetekela tebakubatisha iyo. Ulubatisho lwa bantu abatetekela epela.
- ✓ Ulubatisho lulanga pa bweelu ifyaacitika mu mweo wa mwina Kristu. Cilanga ukuti baalifwa pamo na Kristu, no kushikwa pamo Nankwe elyo kabili balisukuka pamo Nankwe ku mweo uupya.
- ✓ Eico, ulubatisho talufwile lwaba lwa kusansa amenshi pa mutwe, lelo lufwile lwaba lwa kwibishiwa umubili onse mu menshi.
- ✓ Pantu ulubatisho lwa mu menshi bunte bwafyaacitika mu myeo yesu cisuma ukwita ba lupwa lwesu ne fibusa, ukucila balya abashapusuka, ku lubatisho lwenu. Kashita akasuma ako mukwete ukubilikisha kwi sonde ukuti umweo wenu uwakale naufwa, ukutila mwalishiikwa pamo na Kristu no kubushiwa ku mweo uupya muli Wene. Tapaba icintu icilangishefi ukucila pa lubatisho.



Ukufibomfya

Mukulekelesha, londololeni ifikonkelepo:

- Bushe mwalibatishiwa?
- Bushe namukwata amepusho ayali yonse pa mulandu wa lubatisho?
- Ngacakutila tamulati mu batishiwe, kuti mwayasuka shani ilipusho ililesangwa mu Imilimo ya Batumwa 8:36?

Isambililo lyalenga paabula – Mupashi wa Mushilo

Abalebeshi babili abatandalile icipooma ca Niagara Falls, baalipapile no kutiina pafyo ici cilengwa na Lesa ca pansalala. Pakashita akatali nganshi baamininefye pe libwe pamuulu wacipooma, nabasendwafye no busuma bwa mimonekele ya ici cipooma. Pali aba bantu babili tapaali wasosele akantu pakashita akatali nganshi, baaletambafye umukuku wa menshi ayalepona pa cipooma, no kupanga amakumbi ya fuubefuube.

Umo pali aba babili, uwatandalile ici cipooma pa kashita kamo munshita shakunuma, asuka asosa ku mubiye ati: “Nkonka ndefwaya inkulange icintu cimbi.” Cilya batentemukila mwisamba lya ici cipooma ca Niagara falls uyu muntu apilibukila ku mubiye no kutila, “Aya emaka ayakalamba nganshi mwi sonde ayashabomfiwa.”

Umubiye atontonkanya pa kashita kanono elyo amwasuka ati: “Ukufumyakofye icintu cimo! Mupashi wa Mushilo E Maka ayacila pa maka yonse!”

Yesu aalilaile abasambi Bakwe ukutila bakapokelela amaka ilyo Mupashi wa Mushilo akesa pali bene. Mupashi wa Mushilo Muntu. Ni Lesa. Ni membala wa bu Lesa Patatu. Icingo Cipy a cilasosa pa kupusana kwafyo abena Kristu bonse bapitamo ilyo bapokelela Mupashi wa Mushilo ifyo twita “ulubatisho lwa kwa Mupashi wa Mushilo”.

Icingo cilondolola ifyo tupitamo pa kupokelela Mupashi wa Mushilo munshila ishalekanalekana, ifyapala nga, “Ukubatishiwa na Mupashi wa Mushilo,” “Ukwisushiwa na Mupashi wa Mushilo,” “Mupashi wa Mushilo aaponene pali bene,” “Natuma ubulayo bwa kwa Tata pali imwe,” nafimbipo. Kucabulanda, abena Kristu abengi bekala ubwikashi bwabo mu maka yabo abene. Mupashi wa Mushilo atupeela amaka ayo tukabila pakuti tube bakacimfya kabili abena Kristu abapambaana.



Muli ili sambililo twalalolesha pa maka ayapeelwa kuli ba ifwe, ukufuma kuli Mupashi wa Mushilo.

Belengeni Yohane 20:22.

Bushe finshi Yesu *acitile* ku basambi bakwe?

Asosele finshi kuli bene?

Ishiwi lya ci Greek ilileiminako “*ukuputwamo*” apa ni *emphusao*. Apa epancendefye mu Cipingo Cipy apo ili shiwi lyabomfiwa, lelo mu kulondolola kwa mu ci Greek ukufuma mu Cipingo ca kale lyalibomfiwe mu Ukutendeka 2:7. Belengeni ii mboni.

Nani wa puutile?

Muli bani?

Finshi ifyaacitika?

Ngafilyafine Lesa aapuutile muli Adamu aaba icibumbwa ca mweo. Apa ni pa bubumbo bwa muntu . Munshila imoine, ilyo Yesu aapuutile umupu Wakwe mu basambi bakwe waali mulimo uwakubapaanga nakabili nangula ukubabwesha ku mwine nakabili. Panuma ifi fyaacitike Yesu aalipele icipope ku basambi bakwe mu Milimo ya Batumwa 1:4. Caali cipope nshi?

Ukulingana ne Milimo ya Batumwa 1:5 Bulayonshi Tata aapeele?

Belengeni Imilimo ya Batumwa 2:1-4 Nililali Ubulayo bwapeelwe?

Apo Mupashi wa Mushilo apeeelwa ku Cilonganino papita imyaka 2000. Umulimo twakwata kuli Mupashi wa Mushilo naupusanako no mulimo asambi ba kwa Yesu baakwete. Baali no kulolela mpaka Aisa. Nomba Aalisa tatufwile ukumulolela iyo. Nomba natuloleshe pa mulimo twakwata kuli Mupashi wa Mushilo.

Tulemona ukufuma mu Milimo ya Batumwa ukutila ilyo imbila nsuma yaeshimikilwa, ubwiite mwalepeelwa ukuti abantu bacitepo fimo ku bantu aba batatu abaaba muli bulesa Patatu. Ukufuma mu mboni ishili pesamba londololeni ifyo tufwile ukucitapo pamo nga bena Kristu ba Mucipangano Cipya kuli aba bantu batatu. Imilimo ya Batumwa 20:21; 2:38; 8:15 na 17; 19:2.

Ifyo nalacita kuli Tata:

Ifyo nalacita kuli Mwana:

Ifyo nalacita kuli Mupashi wa Mushilo:

Tufwile ukulapila kuli Tata, ukutetekela muli Shikulu Yesu Kristu elyo no kupokelela Mupashi wa Mushilo. Mupashi wa Mushilo cabupe (moneni Luka 11:13; Imilimo ya Batumwa 2:38; 8:20; 10:45; 11:17). Icipope coonse icapeelwa mu bulondoloshi bonse mu Cipingo Cipya ukulola kuli ici icabupe bwakutifye Mupokeleleni epela.

Ukubatishiwa na Mupashi wa Mushilo, nangula uku Kupokelela, tempela iyo, lelo entendekelo ya bwikashi ubupya mu myeo ya bwina Kristu bwesu. Bushe kukoselesha nshi ukupeelwe mu Bena Efese 5:18?

Ishiwi mu ci Greek apa lileimininako umutatakuya, mucinshinka, ubupilibulo nwubu “ukukonkanyapo ukwisushiwa,” “ukubafye uuleisushiwa lyonse”.



Ifyakufibomfya

Intunga sha myeo yesu shonse shine (4) shilapeelwa amaka ilyo twabatishiwa muli Mupashi wa Mushilo:

Icipeelwa Amaka nambala 1 – Ukusabankanya Kwesu Ukwa Imbila Nsuma. Bushe cinshi ico Yesu aatile cikacitika nga twaisushiwamo na Mupashi wa Mushilo mu Imilimo ya Batumwa 1:8?

Icipeelwa Amaka Nambala 2 – Ukushinshimuna Kwesu Ukwakwa Lesa. Fintunshi ifyo balya abaabatishiwe muli Mupashi Wa Mushilo pa bushiku bwa Pentekoste basosele, mu Milimo ya Batumwa 2:11?

Ilyo twabatishiwa muli Mupashi wa Mushilo tulapokelela ululimi ulupya ulwaku shinshimwinako Lesa no kumupepelamo. Ici caalileta ukupashanya abena Kristu apakalamba pali fyonse ifyo ukubatishiwa na Mupashi wa Mushilo kuleeta mu Cilonganino ubushiku bwa lelo, ecalenga, ukulanda mundimi caliba cishibilo ca abo bonse abekala munshita sha Cipingo Cipy. Ecintu cimofye pa fyabupe fya Mupashi ifyaba paabula (9) (ukubikako no kulondolola kwa ndimi)

Icalumbulwa mu 1 Abena Korinti 12 ukuti ecishabombelepo mu nshita sha Cipingo ca Kale. Eico, cakwishibilako icikankaala nganshi mu nshita ya kubomba kwa Cipingo Cipy. Ecalenga Satana aalicipata nganshi. Belengeni Marko 16:16. Uwashimbwile indimi mu Cipingo Cipy ni ani?

Icipeelwa Amaka Nambala 3 – Ubukose Ubwakuikoselesha Fwebeene

Finshi ifyo Paulo asosele pa muntu uusosa mu ndimi, muli 1 Abena Korinti 14:4?

Ilyo lyonse twasenda akashita akakalamba tulelandafye mu ndimi kuli Lesa mu nshita shesu ishakuipelesha kuli Lesa, mupashi wesu alakoseleshiwa no ku kuulilwamo.

Icipeelwa Amaka Nambala 4 – Umulimo Wesu Ku Cilonganino Cakwa Kristu.

Ifyabupe fya Mupashi wa Mushilo fyaba paabula ukulingana nefyo Paulo afitantica mu 1 Abena Korinti 12:4-11. Ifyabupe fya Mupashi fyaaba na Maka ya Mupashi mu mipangilwe eico fibombafye lilya Mupashi wa Mushilo Aenda mu bantu. Umulimo wafiko wakuti ukupitila mu ceebo icipeelwa na Maka ya Mupashi, ubusokololo, nangula mu kubomba, Icilonganino cingakoseleshiwa no kukulwa.

Mukusupawila: pa 12 mu mwenshi wa Kapepo Kakalamba (June) mu mwaka wa 1979 ilyashi lya kupupuka mu mweela lyalipangilwe ilyo umulumendo aenseshe indeke ya kucofa na makasa, apupwike ukupita pali bamba uwitwa English Channel. Intamfu ya 55km yamusendele ba hora batatu ukupwisha (3hrs) elyo ne ndeke yakaena yalepupukilafye pali 5m pa muulu wa menshi! Mukai nimukanwa nkokwele, uyu mulumbendo aileponena bulya bushilya mu calo ca France ninshi nanaka ni sotambe aletusailafye. Tuletotela Lesa pa ndeke sha Jet nashimbipo! Twatotela Lesa nakabili pamulandu wa Kwa Mupashi wa Mushilo. Amaka yakwe yeikalafye ukwabula ukubomfiwa mu myeo yesu iyo.

Isambililo lyalenga ikumi limo – Umulaalilo


Mukamfwilwa uo umulume afwile ukwabula ukulwala pamulandu wakuti umutima waishile lekafye ukubomba, aishilemona ukuti pantu abaana bakwe abaashele babili baali abaice saana, tacali icaliinga ukuti basangwee ku kushika ba wishu. Ukutontonkanya kwakumona uko imbokoshi ya bawishi ileibila mu cilindi, atontonkenye ukutila kuti cashupa nganshi tekuti bacipokelele ico umushinku baalipo waalicesheshe. Imbutu shamweso nangula cibe ifi, shaalibyelwe mu myeo ya bana. Lyonse ilyo baalepita ku manda imibili yaleenda ku mwenso.

Bushiku bumo uyu mukamfwilwa aile pa manda ya balume no munankwe, no kweba abaana ukuti baye nabo. Uwalipo umwaice pa mubiye aaliyafika pa manda, lelo umukalamba aali uwamwensho nganshi ukuyafikapo. Umwaice aishileba ne cilumba muli ba wishu panuma yakumona ifyo balembele pa cipampa baabikile pa manda yabo, “Uwaluse kabili uwamutembo.”

Umunankwe wa uyu mukamfwilwa, aashile sosa amashiwi ayaumfwikike ayeni nganshi, “Bushiku bumo tukesekwata ukwangalila panopene na bana na banensu bambi!” ekusosa kwakwe. “Kulufyanya ukulatontonkanyafye ukuti ino nincende iyakulatontonkanyafye pamfwa” akonkanyapo ukusosa. “Ino ni ncende yakusangalilapo mu mweo, no kusanga amaka ayakwikalilamo umweo wesu,” ekusosa kwakwe.

Aya amano ayakwisa ku manda ya bawishi no kwisa lilako ifyakulya yashinine abana ukuti tapali ifyakutiina pamfwa ya bawishi. Nakuba babomfeshe akakashita ukwibukisha ifintu ifisuma ifingi pali bawishi.

Amaano ayakwisa ku manda ukwisa mu kulya ninshi namushinguluka ne manda ya wafwa kwena waumfwika ayeni kabili iyakutinya, lelo yaleumfwika iyapalana nefyo Shikulu Yesu atwebele ukulacita. Abena Kristu libilibili balebukisha ifyo Yesu abafwilile mu ncende yabo, ukupitilafye mu kumokaula umukaate no kunwa umwangashi. Twita ii nshita yakwibukisha atuti, “Umulaalilo.”



Muli ili isambililo twalaloesha pafyo Icipingo cisambilisha pali uyu mulandu.

Belengeni Mateo 26:26-28

Finshi ifyo Yesu alosele no kucita mu mboni yalenga 26?

Finshi ifyo Alosele no kucita mu mboni shalenga 27 na 28?

Pilibukileni kuli Yohane 6:47-63

Finshi ifyo Yesu alosele mu mboni shalenga 51 na 53?

Finshi ifyo aba Yuda basosele mu mboni yalenga 52?

Finshi ifyo abasambi bamo bamo basosele pali ici mu mboni yalenga 60?

Ubwasuku bwaabo bwali shani mu mboni yalenga 66?

Ilyo Yesu asosele ukuti abamukonka bafwile ukulya umunofu wa Umubili Wakwe no kunwa Umulopa Wakwe pakuti bengaba no mweo wa kumupashi, Aalelandila mu mapinda. Muncende shimbi atile, “Nine mwiinshi,” “Nine mwangashi winewine,” nafimbipo. Cilifye pa bweelu icakuti aalelandila mu mapinda. Talecetekele ukuti abaleumfwa balatetekela ukuti E mwinshi, nangula E chimuti ca mwangashi.

Aba Yuda na basambi bakwa Yesu abo cakalipe baalilubile ico baasendele amashiwi yakwa Yesu ukuti yalepilibula ifyofine asosele. Cikankaala ukuti tatuleingila mu cilubo cimocine ilyo tulekuma ku mulalilo, ukutontonkanyo kuti umukaate tulelya munofu uufumine ku mubili wakwa Yesu, no kutila umwangashi tunwa mulopa wakwa Yesu. Fimininakofye umubili no mulopa wakwa Yesu.

Finshi ifyo Yesu asosele mu mboni yalenga 63?

Lyonse ilyo twasefya umulalilo ninshi tulelanga Icitetekelo ceesu muli Yesu, Uwapeele umweo Wakwe pali ba ifwe. Filyafine umukaate wiikusha umubili efyo na Yesu apeela amaka ku myeo yesu. Ukupitila mu citetekelo tulakumako cipya cipya ku mweo Wakwe ilyo tulelya umukaate wa mulalilo. Umulopa Wakwe wasumine ku kwelela kwa membu shesu, naifwe tulalanga icitetekelo ceesu mu kwelela Kwakwe no kusambwa ilyo tulenwa mu lukombo lwa mulalilo.

Lembeni imboni ishikonkelepo mu mashiwi yenu mwebene:

Imboni 54 _____

Imboni 56 _____

Kwaba insoselo ishing'i ishabomfiwa mu Cipingo Cipya mu kulondolola umulalilo, bushe ninsoselo nshi ishabomfiwa mu mboni ishikonkelepo.

Imilimo ya Batumwa 2:42 _____

Umukaate wiminika umubili Wakwa Kristu uwatobeeke pamulandu wesu. Nangula cibe ifi, nomba tuli mubili wakwa Kristu. Icilonganano Ca kwa Yesu Kristu, nangula twalitobaukila mu fiputulwa ifingi no kusalangana isonde lyonse, nangula cibe ifi tuli mubili umompo. Tulebukishiwa panshita ya mulalilo ukutila twalisuntikana na batetekela bonse ukufuma ku nko shonse na mu nkulo shonse. (Moneni 1 Abena Korinti 10:17.)

1 Abena Korinti 10:16 _____

Ishiwi mu ci Greek iliminako “umulalilo” ni *koinonia*. Lipilibula ukwikatilila icintu cimo muli buumo nabanenu. Panshita ya mulalilo tulakumako bonse capamo ku bunonshi ubwa mweo ne mfwa yakwa Kristu.

1 Abena Korinti 10:21 _____

Abashatetekele kulya ku Korinti baalekuwama capamo kwi tebulo lya ngulu. Baali ni bakapepa ba tulubi. Mukupusanako kuli ici, Abena Kristu baalekuwama ku kukuma kwi tebulo lya kwa Shikulu nga bantu abaali mu cipangano Nankwe.

1 Abena Korinti 11:20 _____

Ico umulalilo waimikwe na Shikulu witwa “Umulalilo wa Kwa Shikulu,” Aletulalika ku kusefya uyu mutebeto mukumwibukisha libililibili, mpaka no kwisa kwakwe ukwacibili.

Belengeni 1 Abena Korinti 11:26-34.

Bushe Paulo alesosa shani mu mboni yalenga 26?

Ukulingana ne mboni ya 27 finshi tucita ngatwakuma ku mulalilo munshila iishiyene?

Ukulya no kunwa munshila iishiyene te kukumako na amatontonkanyo ayashiyene iyo. Ici citundamine ku bwiminishi ukucila ku kukanya! Takwaba umuntu nanguumo uwaliinga ukukuma kuli Kristu, lelo ukusenamina kwakwe kalitulenga ukuba abaliinga. Ukulya no kunwa munshila iishiyene ku kuma kumulalilo ukwabula ukwangilwa umubili Wakwa Kristu, ifyaba, ngefyo tusenda ba munyinefwe na ba nkashi muli Kristu.

Finshi ifyo batwebele ukucita mu cipande cantanshi mu mboni yalenga amakumi yabili na cine konse konse (28)?

Inshita ya ku kuwama kwi tebulo lya kwa Shikulu no kukuma ku mulalilo ni nshita yakuicenceta. Bushe tulekabila ukwelela, nangula ukwelelwa kuli bambi abali ni ba membala ba mubili wakwa Kristu? Bushe tulekabila ukubweela capamo mu kuwikishaniwa no watetekela munensu?

Panuma ya ukuicenceta, finshi ifyo batweba ukucita mu cipande ca bubili mu mboni yalenga amakumi yabili na cine konsekonse (v.28)?
